

**REPUBLIKA E SHQIPËRISË**  
**MINISTRIA E EKONOMISË, TREGTISË DHE ENERGJETIKES**  
**DREJTORIA E PËRGJITHSHME E POLITIKAVE TE ZHVILLIMIT TË BURIMEVE**  
**NATYRORE**  
**DREJTORIA MINERARE DHE INDUSTRIALE**

---

**URDHËR**

Nr. 414, datë 03.6.2011

**PËR**

**MIRATIMIN E FORMËS DHE PËRMBAJTJES SË PLANIT TË MENAXHIMIT DHE  
INFORMACIONEVE QË MBAHEN NGA ZOTËRUESI I LEJES MINERARE PËR  
PUNIMET E KRYERA, DEPOZITIMIN, TRAJTIMIN E MBETJEVE MINERARE DHE  
ANALIZIMIN E TYRE**

Në zbatim të nenit 102, pika 4, të Kushtetutës së Republikës së Shqipërisë të nenit 38, pika 8 dhe nenit 56, pika 2, të Ligjit Nr. 10304, datë 15.07.2010, “Për Sektorin Minerar në Republikën e Shqipërisë”,

**URDHËROJ :**

1. Plani i menaxhimit të mbetjeve minerare është pjesë e planit të rehabilitimit të zonës minerare, si kapitull i veçante i tij dhe përgatitet nga aplikuesi për marrjen e një leje minerare. Ky plan hartohet në përputhje me parimet baze për hartimin e planit të menaxhimit të mbetjeve minerare së veprimitarës minerare që mbështeten në legjislacionin minerar dhe mjedisor në fuqi.
2. Procedurat e trajtimit të mbetjeve minerare, ulja e nivelit të shkarkimeve të elementeve të dëmshëm prej tyre, riciklimi, mënyrat e depozitimit dhe trajtimi të mbetjeve me përmbajtje toksike dhe të rrezikshme, bëhen në pajtim me kërkasat e Ligjit Nr. 10304, datë 15.07.2010, “Për sektorin minerar në Republikën e Shqipërisë”.
3. Plani i menaxhimit të mbetjeve minerare duhet të mbështetet në parimet e:
  - a) Ndotjes në nivele më të ulta në tokë, në ujërat, te flora e fauna dhe në ekosistemin, në përgjithësi dhe në përputhje me vlerat minimale, të pranuara sipas legjislacionit në fuqi.
  - b) Futjes së proceseve te riciklimit,
  - c) Garantimit të një vendi të sigurtë depozitimi për periudha të gjata kohore,
  - d) Garantimit të një emetimi minimal të shkarkimeve të elementeve të dëmshëm në mjedis gjatë operimit dhe në të ardhmen,
  - e) Trajtimi të mbetjeve minerare sipas karakteristikave të tyre, përbërjes, dekompozimit në kohë sipas teknologjive te reja dhe praktikave më të mira.

- a) Parandalimit dhe marrjes së masave paraprake.
  - f) Garantimit të monitorimit të efekteve të mbetjeve.
  - g) Këshillimit me auroritetet e qeverisjes vendore.
  - h) Bashkërendimit ndërmjet mbrojtjes së mjedisit dhe zhvillimit ekonomik;
4. Plani i menaxhimit të mbetjeve minerare, që përditësohet çdo 5 vjet, duhet të përbajë:
- a) Projektin teknik e ndërtimor të sheshit të depozitimit të mbetjeve që duhet të përzgjidhet duke patur parasysh:
    - i. kushtet e terrenit,
    - ii. kushtet gjeologjike të sheshit të depozitimit dhe zonës përreth tij,
    - iii. stabilitetin gjeoteknik,
    - iv. përbërjen e mbetjeve minerare dhe karakteristikat fiziko-kimike të tyre,
    - v. lëvizjen e ujërave sipërfaqësore e nëntokësore,
    - vi. afërsinë me infrastrukturën dhe zonat e banuara,
    - vii. ndikimin në ekosistemin e zonës minerare dhe asaj përreth saj,
    - viii. ndikimin në ekosistemin në përgjithësi.
    - ix. nivelin e shkarkimeve në mjedis dhe ndotjen që shkakton tek ujërat sipërfaqësore e nëntokësore, të florës e të faunës
    - x. parashikimin për realizimin e procesit të mbylljes së sheshit të depozitimit
    - xi. parashikimin për monitorimin e shkarkimeve
    - xii. procedurat dhe afatet kohore të realizimit të punimeve për ndërtimin e sheshit te depozitimit, mënyrës së shkarkimit të mbetjeve në të, mënyrës së largimit të ujërave.
  - b) Mënyrën e transportimit të mbetjeve nga objekti minerar te sheshi i depozitimit të mbetjeve.
  - c) Mënyrën e depozitimit të mbetjeve dhe lëvizjen e ujërave në sheshin e depozitimit.
  - d) Mënyrën e trajtimit të mbetjeve dhe skemat e riciklimit te tyre.
  - e) Impaktin gjatë operimit, personat që mbulojnë procesin e operimit dhe monitorimit, procedurat e kontrollit e të monitorimit,
  - f) Planin e mbylljes dhe të rehabilitimit të sheshit të depozitimit.
  - g) Planin e emergjencës për ndotjet aksidentale, masat parandaluese dhe ato në rast aksidentesh ku të përfshihen:
    - i. të gjitha masat për garantimin e jetës dhe të shëndetit te punonjësve dhe komunitetit,
    - ii. personat që veprojnë në rast aksidentesh,
    - iii. masat e sigurisë për personat që veprojnë në rast aksidentesh,
    - iv. listën e pajisjeve të domosdoshme për raste aksidentesh,
    - v. mënyrën e trajtimit të tyre
    - vi. fondet e nevojshme te garantuara për raste te tillë,
    - vii. mënyrat e operimit të tyre, duke dhënë opzionet e mundshme,
    - viii. mënyrën e bashkëveprimit me organin e emergjencave civile,
    - ix. mënyrën e informimit të strukturave përgjegjëse dhe publikut
    - x. masat paraprake për shmangjen e ndotjeve në mjedis,
    - xi. masat për rehabilitimin e mjedisit për raste aksidentale te konsultuar me njësitë e qeverisjes vendore që përditësohet çdo 3 vjet.
  - h) Për veprimtaritë minerare, mbetjet e të cilave rezultojnë nga procese ku përdoren lëndë toksike dhe të rrezikshme, si cianure, acide, substanca kimike të rrezikshme, plani i menaxhimit të mbetjeve duhet gjithashtu të përfshijë:
    - i. Nivelin e koncentrimit të elementeve toksike ose të rrezikshme në depozitimet e mbetjeve minerare apo shkarkimet prej tyre, në respekt të kërkuesave të

- përcaktuara në legjislacionin për mjedisin;
- ii. Mënyrën e monitorimit te vazhdueshëm;
  - iii. Mënyrën e eliminimit të efekteve negative të lëndëve toksike dhe të rrezikshme;
  - iv. Vlerësimi i planit dhe i garancisë financiare për efektet e depozitimit të këtyre mbetjeve përditësohet çdo 3 vjet.
5. Dokumentet informative që mbahen nga zotëruesi i lejes minerare për punimet e kryera, depozitimin, trajtimin e mbetjeve minerare dhe analizimin e tyre në çdo kohë të vlefshme për inspektim nga strukturat përgjegjëse do të jenë si më poshtë:
- a) Gent plani i sheshit të depozitimit të sterileve, sipas projektit të miratuar me llogaritjen e kapacitetit depozitures tē tij, shoqëruar me prerjet përkatëse, i azhurnuar periodikisht çdo 3 (tre) muaj për nivelin e mbetjeve të depozituara. Proces-Verbalet e matjes dhe azhurnimit të stoqeve të depozitimit;
  - b) Gent plani i impiantit të riciklimit;
  - c) Gent plani i pikave të monitorimit të mbetjeve dhe shkarkimeve;
  - d) Pasqyrat ditore të përbërjes fizike dhe kimike të mbetjeve që depozitoohen, të shoqëruara me flet analizat përkatëse;
  - e) Pasqyrat ditore të përbërjes fizike dhe kimike të shkarkimeve nga sheshi i depozitimit e shoqëruar me flet analizat përkatëse;
  - f) Përmbledhëset mujore, 3-mujore, 6-mujore dhe vjetore të sasisë dhe cilësisë së mbetjeve që depozitoohen;
  - g) Evidencia 3-mujore, 6-mujore dhe vjetore të sasisë dhe cilësisë së mbetjeve që trajtohen nga skemat e riciklimit dhe/ose evadohen;
  - h) Bilanci fizik i lëvizjes së stoqeve të materialit ose mbetjeve të depozituara.
6. Forma e informacioneve duhet të jetë:
- a) për vizatimet në format A3 dhe të përshkruajë rrugën e lëvizjes së mbetjeve, shkarkimeve dhe ujërave sipërfaqësore, nivelin e depozitimit te mbetjeve në sheshin e depozitimit.
  - b) pasqyrat në forme tabelore të mbajtura në programin (Excel) dhe mbahen nga zotëruesi i lejes minerare.
7. Për zbatimin e këtij urdhëri ngarkohen institucionet e Agjencisë Kombëtare të Burimeve natyrore (AKBN), Shërbimi Gjeologjik Shqiptar (SHGJSH), Reparti i Inspektimit Shpëtimit të Minierave (RISHM) dhe Qendra Kombëtare e Licencimit (QKL).

Ky urdhër hyn në fuqi menjëherë.

**MINISTRI**

**NASIP NAÇO**

